

Allanngutissatut siunnersuut

Uunga

Uunga siunnersuut: Nukissiornermi ikummatissat avatangiisinut akitsuutaat pillugit Inatsisartut inatsisaat

Aappassaaneerneqarnissaanut Naalakkersuisunit saqqummiunneqartoq.

Til § 1**1. § 1, imm. 2, imatut oqaasertalerneqassaaq:**

"Imm. 2. Avatangiisinut akitsuutit imaapput:

1) Gas- aamma dieselolie-t suullunniit, aamma petroleum, Jet A1 assigisaallu	Liiterimut 15° C-imi	0 kr. 10 øre
2) Fuelolie	Tonsimut	113kr. 80 øre
3) Motorinut benziinat suullunniit, ilanngullugit timmisartut orsussaat assigisaallu	Liiterimut 15° C-imi	0 kr. 10 øre
4) Gassit suullunniit, ilanngullugit naturgassi, bygassi assigisaallu, gassili puaasamiittoq pinnagu	Nm3-mut	110 kr. 40 øre
5) Aamarsuit suullunniit, ilanngullugit stenkul, jordolieoks, brunkul, trætjære assigisaallu	Tonsimut	73 kr. 40 øre"

Siunnersummut nassuaatit

Oqaaseqaatit nalinginnaasut

2011-mut aningaasanut inatsisissatut siunnersuutip oqallisigineqarneranut atatillugu naalakkersusoogoqatigii aalajangerput akitsuutit inatsisissatut siunnersuutip imarisaaanit appasinnerutilugit aalajangersarneqassasut.

Tamanna malillugu nukissiornermi ikummatissat avatangiisinut akitsuutaat pillugit Inatsisartut inatsisaatigut isertitassat 18 mio. koruuniussasut naatsorsuutigineqarpoq. Tamatumalu saniatigut Nukissiorfiit illoqarfinni erngup nukinganik nukissiorfeqartuni maanna akiliuteqartitsinerup qaffassisusiata kingerisaanik Nukissiorfiit innaallagissamik kiassarneqarnermillu kiffartutaminnit isertitaqarnerulissapput. Taamatut isertitaqarnerunissaq 2 mio. koruunit missaannik annertussuseqartussatut ilimagineqarpoq, taakkualu Nukissiorfiit aningaasanut inatsimmi tapiissutiasiassaannit ilanngaatigineqassallutik.

Aalajangersakkanut ataasiakkaanut oqaaseqaatit**Nr. 1-imut**

Inatsisartut inatsisissaattut siunnersuut saqqummiunneqartoq naapertorlugu gas- aamma dieseloliemut allanullu akitsuut liiterimut 25 ørimiit 10 ørimut, fueloliemut tonsimut 284 kr. 50 ørimiit 113 kr. 80 ørimut, motorinut orsussatut benziinamut allanullu liiterimut 25 ørimiit 10 ørimut, gassinut allanullu Nm3-mik annertussuseqartumut 276 koruuniniit 110 kr. 40 ørimut aammalu aamarsuarnut allanullu tonsimut 183 kr. 50 ørimiit 73 kr. 40 ørimut allanngortinneqassapput.